

勅修河東鹽法志目錄

卷一

鹽池

禁垣

卷二

畦地

種治

渠堰

山澤

灘地

卷三

引目

課額

商人

卷四

支掣

運程

卷五

律例

卷六

鹽法

官職

卷七

官職

卷八

運城

公署

積貯

池廟

祥異

運學

武備

卷九

宦蹟

人物

卷十

疏議

卷十一

藝文

卷十二

藝文


勅修河東鹽法志卷之十一

藝文

志鹽法而志藝文非徒取其炳炳烺烺文章爾
雅已也蓋以河東鹽池其規爲措置之大者皆
散見於碑銘記載之中讀晉郭璞鹽池賦唐崔
敖池廟碑柳宗元晉問已見河東鹽池大畧又
叅考宋元明諸碑記益多發明其餘一切月露
風雲無關鹽法之文槩不登錄志藝文

華北產業
研究所
圖書





晉問

柳宗元

猗氏之鹽晉寶之大也人之賴之與穀同化若
神造非人力也但至其所則見溝塍畦畹交錯
輪囷若稼若圃渙兮鱗鱗灑灑紛屬不知其垠
俄然決源醞流交灌互澍若肢若股委屈延布
脉寫膏浸漑濕滑汨彌高掩庠漫隴冒塊决决
没没遠近混會抵值隄防澗瀛濡濺偃然成淵
漭焉成川觀之者徒見浩浩之水而莫知其所
以及神液陰漉甘齒密起孕靈富媪不愛其美

無聲無形燂結迅詭迴眸一瞬積雪百里晶晶
幕幕奮債離折鍛圭椎璧眩轉的爍乍似隕星
及地明滅相射冰裂雹碎龍從增益大者印纍
小者珠剖湧者如坻拗者如缶日晶熠煜瑩駭
電走亘步盈車方尺數斗於是哀斂合集舉而
堆之皓皓乎懸圃之巍巍皦乎溱乎狂山大白
之淋漓駭變化之神奇卒不可推也然後驢騾
牛馬之運西出秦隴南過樊鄧北極燕代東逾
周宋家獲作賊之利人被六氣之用和鈞兵食

以征以貢其賚天下也與海分工可謂有濟矣



鹽池賦

郭璞

水潤下以作鹹莫斯鹽之最靈傍峻岳以發源
地茫爾而海渟嗟元液之潛洞羗莫知其所生
狀委蛇其若漢流漫漫以泚泚吁鑿鑿以粲粲
色皜然而雪朗揚赤波之煥爛光盱盱以晃晃
隆陽映而不焦洪涔沃而不長磊崔嶮鏘剡
碁方玉潤膏津雪白凌岡粲如散璽煥若布章
爛若漢明晃爾霞赤望之絳承卽之雪積翠塗
內映頰液外羃動而逾生損而滋益若乃煎海

鑠泉或凍或漉所贍不過一鄉所營不過鍾斛
飴鹽見珍於西鄰火井擅奇於巴濮豈若茲池
之所產帶神邑之名嶽吸靈潤於河汾總膏液
乎滄涼

鹽池賦

劉敏寬

天備五行是生五味潤下作鹹惟水之謂菟渚
探波汲井障汝分及飛泉草木土石洵漉熬煎
矯揉擘畫其獲纖纖其勞役役惟茲鹽池不疏
不闢肇判鴻濛參井之分陰陽之宮股肱之域
郇瑕之封唐都之南虞畿之東稷山之址禹甸
之中局園麓而偃仰伏河曲而靈通縱瀎橫遙
幅員百里繚垣雉列斥堠蠻峙若盂若盆如砥
如矢蓄幽壤之重泉涵天潢之注水元玉簇而

根盤堅冰萃而牀起中條峯嶺抱其前孤山嶠
嶢蹲其後太行蟲鼻綿其左雷首峯聳聳其右
外則渠堰繡錯澎湃而潑洞內則崖壑星羅筭
沓而輻輳時澄泓而鑒髮燭眉時洶湧而黏天
渥日羣峯倒影蘸琉璃而若浮百卉貢妍藉翡
翠而欲溢凭海光而眺遠羗嶺巘之罔瓏倚歌
薰而臨深恍灑景之昭融陟分雲而頰瞰森鄧
林之鬱叢據五老而流盼壯今岸之眠虹千巖
嶽嘈而拱翼髣髴兮飛五嶽而會同殊流混沌

而渟泊依稀乎納萬派而朝東五絃鼓其濱而
衆民愉八駿歷其涯而上游著姬且因鹽鹽以
置官祖龍興重寶而建署漢皇用武而資饒唐
帝除克而用鉅閱宋及元一致百慮洪惟我朝
天作其助鹽弗待治而成課不埃徵而裕不啻
什百於古初之充飫者也故乃氣肅膠折月白
風涼土膏向歇息機弗昌元律并凌感發粟烈
急景凄寒氤氳悶結青春受謝駘蕩舒恬餘陰
潛伏曦景稽炎開彼三時詎曰無鹽硝版蒼澁

漑澤弗霑獨尾火首之鷄次當翼亢心之旦中
赤帝握符火正致工箕伯鼓靈筮而液蕩水若
馭洪潤而波冲欲歛實以就魄豫變態其無窮
完碧旣聰流霞漸舒絢若製錦膩若敷酥搗花
始凝睹輕揚而泛雪黍粒乍墮旋零亂而沉珠
儀斗鑄形不偏不頗任天賦質不烟不火儼清
冷而鏡圓倏縞素而粉傅霰纍纍而綃連貝瑩
瑩而練布播藍田之餘屑膠搏風之颺絮暮烟
屯而霜冷壁寒朝晞達而星流電遽茲蓋皇輿